

## БӨЛІМ: ЖАЛПЫ РУБРИКА

## Бастауыш

ЖАРИЯЛАНДЫ  
19.02.2018СІЛТЕМЕ  
<https://bilimger.kz/23902/>

## АННОТАЦИЯ / АҢДАТПА

**Усембаева Жибек Кайратовна****Сабақтың мақсаты:**

- 1) Оқушыларға сөйлемнің негізгі мүшесінің бірі бастауыш туралы түсінік беру, сөйлем ішінен таба білуге үйрету.
- 2) Байланыстырып сөйлеу тілін және сөздік қорын молайтып, ой белсенділігін дамыту.
- 3) Шыншылдыққа, сауаттылыққа, тазалыққа, жылдам ойлауға, көркем жазуға тәрбиелеу.

Сабақтың әдісі: сұрақ — жауап

Сабақтың көрнекілігі: ереже жазылған плакат, тірек схема, төрт түлік малдың суреті

Сабақтың барысы:

## I. Ұйымдастыру кезеңі

1. Оқушыларды түгелдеу
2. Сабаққа әзірлігі «Ыстық алақан жаттығуы».

Көршілеріңе бұрылып, алақандарыңды біріктіріп, жүректеріңнің жылуын беріңдер.

## II. Үй тапсырмасын пысықтау. Қайталау

Өткен тақырыптар бойынша оқушыларды топқа бөлу.

Сөйлем дегеніміз не? Сөйлемнің түрлерін ата.

Оқушыларға сөйлемдер тарату арқылы топқа бөлу.

1. Хабарлы сөйлем.
2. Сұраулы сөйлем.
3. Лепті сөйлем.

— Сөйлем мүшелері дегеніміз не?

— Сөйлем мүшелері нешеге бөлінеді?

— Айдана жазды. Олар шықты. Сиыр ішті деген сөйлемдерге сөздер қосу арқылы сөйлем мүшелерінің санын көбейтіп жаз.

## III. Жаңа сабақ.

Сызбаны пайдалана отырып жаңа сабақты түсіндіру.

Қимыл, іс — әрекет иесін білдіретін сөзді бастауыш дейді. Бастауыштар кім? кімдер? не? нелер? кімі? несі? деген сұрақтарға жауап береді. Мысалы: Жәния дайындалды. Боран соқты. Ауылдан әкесі келді.

Ендеше, балалар дәптерімізді ашып, күн ретін жазайық.

— Тақтамен жұмыс

22 — жаттығу

Сөйлемдерді көшіріп жаз.

Жел соқты. Бұлт қоюланды. Жаңбыр себеледі. Оқушы оқыды. Малшы бақты.

— Қарамен жазылған сөздердің астын сыз, оларға сұрақ қой.

1 - топқа. 23 — жаттығу

Сөйлемдерді оқып, көшіріп жаз.

Мұғалім түсіндірді. Лақ маңырады. Мұз қатты. Күн шықты. Сәкен оқыды.

Қимыл иесі болатын сөздердің астын сыз, оларға сұрақ қой.

2 - топқа. 24 — жаттығу

Жұмбақтың шешуін тауып, жатқа жазу.

Дала тегіс сарғайды,

Шаруа қысқа қамданды.

Күн қысқара бастады,

Тауға тұңғыш қар жауды. (Күз)

3 - топқа. 25 — жаттығу

Өлеңді көшіріп жазып, бастауышты тауып, астын сызу.

Төсегіне күн жатты,

Жердің бетін түн жапты.

Маужырады шың — құздар,

Көзін ашты жұлдыздар.

Жылқы жусап далада,

Қой ұйықтады қорада.

IV. Сергіту сәті

26 — жаттығу

«Адасқан сөздер» ойынын ойнай отырып, жаттығу жазу.

Арыстан ——— боздайды

Түйе ————— мөңірейді

Жылқы ————— ақырады

Қой ————— кісінейді

Сиыр ————— маңырайды

28 - жаттығу. Сурет бойынша әңгіме құрау. Жазған сөйлемдеріңнен бастауышты тап.

V. Сабақты қорыту

Бастауыш дегеніміз не?

Бастауыштың сұрақтарын ата.

ҮІ. Үйге тапсырма. 27 — жаттығу

Сұрақтарға бағанның оң жағындағы сөздерді пайдаланып жауап беру.

Ереже жаттау

ҮІІ. Бағалау

**ҚМ АА** Күәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.